

Gvangjsih Minzczuz Bau

广西民族报 ganhhau: CN45-0036 B.2020 Nd.11 Ng.11 liggaueq gengcej nienz ndwengouj ngeihloeg

Baihguenjbanh: Gvangjsih
Bouxcuengh Swcigih Minz-
cuz Cunghgyau Swvu Veij-
yenzvei
Biengauj okbanj: Gvangjsih
Minzczuz Bause
Geizsoq: Gungh daih 3448 geiz
Geiz neix 8 banj

Bineix Vahcuengh Sawcuengh Suij- bingz Gaujsi Youq Namzningz Gauj

10 nyied 31 hauh byonghngoenzljaj, bineix Vahcuengh Sawcuengh Suijbingz Gaujsi youq Cunghgung Nanzningz Siveij Dangjyau gauj, gungh miz 251 bouxgauj daj ndaw gih gak si caeuq Yinznanz daengj dieg daeuj camgya cogaep, cunggaep, gaugaep 3 gaep gaujsi. Baez gaujsi neix ciuq gij iugouz dangqnaj fuengzgaemh binghra q bwtndat

de daeuj guh.

Ngoenz gaujsi de, Swcigih Minz-
cunghvej fucujyin Veih Yungjhungz,
ngeih gaep sinzsiyenz Cinz Hanvaz
daengj lingjdauj daengz dieg gaujsi
dangciengz vixyinx guhhong.

Vahcuengh Sawcuengh Suijbingz
gaujsi dwg yiengh gaujsi swngjbu gaep,
dwg yiengh sawqgauj suijsingz byauh-

cunjva vah siusiq minzczuz ndeu, sawq
guh 4 bi nanz le, daengz bi 2016 hainduj
baenz yiengh gauj bingzciengz ndeu.
Mbouj hanh saimbwk, minzczuz, nienz-
geij, yozliz, guh maz hong, vunz dieg
lawz, vunz guk lawz daengj, byawz yaek
bauqmingz couh gag dingh, gag bauq
gijmaz daengdaep.

(Cangh Haijyingh Vangz Yacangh)

SIUSIK DINJ

● 11 nyied 6 hauh, daih 10 gaiq Cungguk (Namzningz) gozci canj-
nieb caz bozljavei caeuq
langhbaej doenghyiengh
huqnaezaeuj, huqmeng,
aenyungh gwn caz youq
Nanzningz Gozci Ve-
canj Cunghsinh hainduj.
Baez hozdung neix nda
1100 giz langhbaej, 800
lai aen giyez daj daengx
guk 69 giz dajndaem
caz de daeuj camgya
bajok.

(Cinz Haijmingz)

● Suenq daengz 10
nyied daej Cungzcoj Si,
gaenq doenghhong guh
126 aen hanghmoeg
“haj vangj” bineix, gij
beijlaeh doenghhong
de dwg 49.6%, gaenq
roengzciengz 126.6 ik
maenz.

(Cinz Mingzgei)

● Daj bi 2016
daengz bineix 10 nyied,
Denzdungh Yen hab-
ngamj bienguh 400 lai
aen hanghmoeg hwnq-
guh haeuj aencang
gvendaengz lajmbanj
gwn raemx ancienz,
gungh roengz 1.8 ik
maenz. Dangqnaj, gyoep-
suenq gyonjcomz ndaej
1.62 ik maenz gij cienz-
ngaenz nungzyez, nungz-
cunh, nungzminz de, guh
362 aen hanghmoeg.

(Cangh Souhoz)

● Bineix, Hocouh
Si Bingzgei Gih banh 4
geiz ban sonlienboux-
daiqlingx baenzfouq laj-
mbanj, ndawde miz 134
boux ndaej son' gyaug
gvaq de gag cauxhong,
gonqlaeng laeb 55 aen
gunghsw, hozcozse
daengj, daiq 1283 hoh
ranzungzhoj ranz lai
ndaej 1800 maenz.

(Cwng Lilanz)

Lozcwngz: Gyoengq Beixnuengx Mulaujcz Angq Gvaq Cietyihfan



11 nyied 7 hauh
dwg ciethiq laeb-
doeng, Lozcwngz
Mulaujcz Swciyen
Dunghmwz Cin
Mbanjsangfungliz
gyoengq beixnuengx
Mulaujcz guh hoz-
dung gvaq ciet-
yihfan angqhoh sou
ndaej lai. Ciuq cam
rox, “cietyihfan”
dwg aenciet cojcienz
Mulaujcz gag miz,
aeu daeuj gyo-
mbaiq, angqhoh sou
ndaej lai, gouz vunz
caeuq doenghdz
onjdei, bingzciengz
ra duenh laebdoeng
ndawde ngoenz ndei
ndeu banh, guh
ngoenz daengz sam
ngoenz, daengz
seizneix gaenq miz
500 lai bi nanz.

(Mungz Cwng-
sw)

Aen Daihhoih Hwngfat Gij Vwnzva Lijyouz Gvangjsih Bi 2020 Youq Liujcouh Hai

11 nyied 6 hauh, aen daihhoih
hwngfat gij vwnzva lijyouz Gvangjsih bi
2020 youq liujcouh hai, haeujlaeg bae
ciuq gij vah youqgaenj Siz Ginbingz
cungjsuhgi gangj baenzlawz guh hong
vwnzva caeuq lijyouz de guh daengz daej
bae, ciuq gij dajsuenq youz Cibgouj
Gaiq Haj Cing Cienzhoih dinghndei de,
ciuheuh daengx gih gak baih laemxsim
gag saenq bonjfaenh ak, dingj hoj cawz
nanz, caiq hawj vwnzva lijyouz hwng-
hoengh moq, ok rengz daeuz cengj-
daengx gij hongsaeh lai vaiq hwnqguh
aen Gvangjsih gyauejndei, doengzcae

saed- yienh loqsiengj fukhwng. Swcigih
daicuisiz Lanz Denhliz daeuj hai hoih
caemhcai lij gangjah dem. Swcigih
Cwnghez dangjcu suhgi Sunh Daveij
daeuj hai hoih.

“Cibsam haj” doxdaeuj, gih raeuz
gij canjnieb vwnzva lijyouz mbouj
dingzduenh gyalai gyahung, lijyouz
cungj siuyungh daj bi 2015 miz 3254 ik
maenz gyalai daengz bi 2019 miz 10241
ik maenz, gijsoq suenq caez ciej
hekyouz daj bi 2015 miz 3.41 ik
vunzbaez gyalai daengz bi 2019 miz 8.76
ik vunzbaez. Bineix ndwencieng dox-

daeuj, bungzdaengz binghra q bwtndat
fwt fat, gijsoq gyoepsuenq sam aen
geiqdoh gonq ciej hekyouz caeuq lijyouz
cungj siuyungh caeuq bi' gvaq caemh
duenh doxbeij faenbied dauqfuk
60.9%、56.8%, daegbied youq duenh
gyaj gozging caeuq bet cib ngx, daengx
gih gungh ciej hekyouz 3255.8 fanh
vunzbaez, youq daengx guk ndawde
baiz daihroek, neix baijok gij canjnieb
vwnzva lijyouz gih raeuz nyangqnyinz
caeuq rengzndumj hung baenzmaz
bae.

(Dungj Vwnzfung)